



**KENYATAAN MEDIA
YAB PERDANA MENTERI**

**SUMBANGAN TUNAI RAHMAH (STR) FASA 1 BERNILAI RM1.67 BILION SECARA
BERPERINGKAT MULAI 17 JANUARI 2023 (SELASA)**

Kerajaan Perpaduan menekankan pendekatan rahmah dalam membela nasib rakyat susah terutamanya golongan rentan dan mudah terjejas. Selaras dengan itu, Kerajaan telah memperkenalkan konsep Payung Rahmah sebagai induk kepada inisiatif-inisiatif membantu golongan kurang berkemampuan dalam mendepani cabaran kos sara hidup. Maka, program bantuan tunai untuk B40 di bawah Kementerian Kewangan dijenamakan semula kepada **Sumbangan Tunai Rahmah (STR)** dan akan terus ditambah baik.

Saya telah memutuskan supaya **STR Fasa 1 untuk golongan B40 diawalkan kepada bulan Januari 2023** berbanding perancangan awal pada bulan Mac 2023 bagi meringankan beban sara hidup rakyat.

Pembayaran STR Fasa 1 kepada 8.7 juta golongan B40 bernilai RM1.67 bilion akan dikreditkan ke dalam akaun bank **penerima yang berdaftar di dalam pangkalan data STR** secara berperingkat mulai **17 Januari 2023 (Selasa)** seperti berikut:

Kategori Penerima	Jumlah Penerima	Kadar STR Fasa 1	Implikasi Kewangan (RM bilion)
Isi Rumah	4.0 juta	RM300	1.20
Warga Emas Tiada Pasangan	1.2 juta	RM100	0.12
Bujang	3.5 juta	RM100	0.35
Jumlah	8.7 juta	-	RM1.67 bilion

Penerima STR di kawasan pedalaman termasuk Sabah dan Sarawak yang mempunyai akaun bank atau tiada akaun bank akan turut menerima pembayaran ini pada tarikh yang sama. **Penerima STR yang tiada akaun bank** juga boleh membuat penunaian di Cawangan Bank Simpanan Nasional (BSN) mulai **17 Januari 2023**.

Semakan status pembayaran akan dibuka mulai 17 Januari 2023 dan maklumat lanjut berkaitan pembayaran ini boleh dirujuk Soalan Lazim (FAQ) di Portal Rasmi STR melalui pautan <https://bantuantunai.hasil.gov.my>.

ANWAR IBRAHIM
16 Januari 2023